



Petiziun dal 4. Parlament grischun da mattas per mauns da la Regenza e dal Cussegl grond dal chantun Grischun davart il tema futur en il Grischun

Titel: Lavur mobila en tut il chantun Grischun

Proposta:

Nus pretendain ch'i vegnian stgaffidas las premissas per ch'i daventia pussaivel da prestar lavur mobila en tut il chantun Grischun. Per quest intent sto il chantun crear las cundiziuns generalas, oravant tut ina digitalisaziun en l'entir chantun.

L'administraziun chantunala surpiglia ina rolla exemplarica e promova models da lavur favuraivels a la famiglia, sco las pussaivladads da lavurar a temp parzial e da lavurar a chasa.

Motivaziun:

Las Grischunas ed ils Grischuns duain pudair cumbinar la lavur a chasa e la lavur en biro, e duain pudair eleger libramain tranter quellas. Per quest intent sto il chantun Grischun stgaffir las cundiziuns adattadas.

Cun promover la lavur mobila pon ins er gudagnar turistas e turists da lavur ed ins po facilitar la cumpatibilitad da la famiglia cun la professiun. Plinavant è quai raschunaivel dal punct da vista ecologic, perquai che la lavur mobila distgargia il traffic. Ultra da quai restan er regiuns perifericas attractivas per personas giuvnas, e l'emigraziun da personas giuvnas po vegnir franada.